

16

第十六卷

獸部上品

總二十種今疏其要者十種

龍骨 齒附

麝香 牛黃

熊脂 膽附

象牙 膽附 白膠

阿膠

牛乳 酥

乳腐

龍骨味甘平微寒無毒主心腹鬼疰精物老魅

欬逆。洩痢。膿血。女子漏下。癥瘕堅結。小兒熱氣。
驚癇。療心腹煩滿。四肢枯痿。汗出。夜臥白驚。志
怒。伏氣在心下。不得喘息。腸癰。內疽。陰蝕。止注。
縮小便。溺血。養精神。定魂魄。安五藏。白龍骨。
療夢寐洩精。小便洩精。齒主小兒大人驚癇。
癲疾狂走。心下結氣。不能喘息。諸瘕。殺精物。小
兒五驚。十二癰。身熱不可近。大人骨間寒熱。又

殺蠱毒。得牛黃人參良畏。

疏○龍稟陽氣以生而伏於陰爲東方之神

乃陰中之陽鱗蟲之長神靈之物也故其骨
味甘平氣微寒無毒內應乎肝人足厥陰少
陽少陰兼入手少陰陽明經神也者兩精相
合陰陽不測之謂也神則靈靈則能辟邪惡
蠱毒魘魅之氣及心腹鬼疰精物老魅遇之
則散也欬逆者陽虛而氣不歸元也氣得斂
攝而歸元則欬逆自止其性清以止脫故能

止洩痢膿血。因於大腸虛。而久不得止。及女子漏下也。小兒心肝二臟虛則發熱。熱則發驚癇。驚氣入腹。則心腹煩滿。歛攝二經之神氣。而平之以清其熱。則熱氣散。而驚癇及心腹煩滿皆自除也。肝氣賊脾。脾主四肢。故四肢痿枯。肝寧則熱退。而脾亦獲安。故主之也。汗者心之液也。心氣不收。則汗出。肝心腎三經虛。則神魂不安。而自驚。收斂三經之神氣。

則神魂自安。氣得歸元。升降利而喘息自平。
汗自止也。肝主怒。肝氣獨盛。則善恚怒。魂返
乎肝。則恚怒自除。小腸爲心之腑。膀胱爲腎
之腑。二經之氣虛脫。則小便多而不禁。臟氣
歛。則腑亦隨之。故能縮小便。及止夢寐洩精。
小便洩精。兼主溺血也。其主養精神。定魂魄。
安五臟者。乃收攝神魂。閉濇精氣之極功也。
又主癥瘕堅結。腸癰內疽。陰蝕者。以其能引

所治之藥。黏着於所患之處也。按龍骨入

心腎腸胃。龍齒單入肝心。故骨兼有止瀉瀉
精之用。齒惟鎮驚安魂魄而已。凡用龍骨。先
煎香草湯洗二度。搗粉。絹袋盛之。用燕子一
隻。去腸肚。安袋於內。懸井上面一宿。取出研
粉。入補腎藥中。其効如神。又法。酒浸一宿。焙
乾。研粉。水飛三度。用。如急用以酒煮焙乾。或
云。凡入藥。須水飛過。曬乾。每觔用黑豆一斗。

也

主治參互

仲景方同牡蠣入柴胡桂枝各湯內取其收
歛浮越之正氣固脫而鎮驚 同遠志等分
爲末煉蜜丸如梧子大硃砂爲衣每服三十
丸蓮心湯下治勞心夢遺 梅師方睡卽洩
精白龍骨四分韭子五合爲散空心酒服方

寸七 又方泄瀉不止白龍骨白石脂等分

爲末水丸梧子大紫蘇木瓜湯下量大人小

兒用亦治久痢休息 姚和衆方久痢脫肛

白龍骨粉撲之 龍齒同荆芥澤蘭牡丹皮

修治與膏同或煎或炙

蘇木人參牛膝紅花蒲黃當歸童便治產後

惡血撲心妄語顛狂如傷寒發狂者切不可

認作傷寒治誤則殺人 同牛黃犀角鈞藤

肉丹沙生地黃茯神琥珀金箔竹瀝天竹黃

蘇合香治大人小兒驚癇癰疾

簡誤

龍骨味瀋而主收斂。凡洩痢腸澼及女子漏下崩中溺血等證。皆血熱積滯爲患。法當通利疎泄。不可使用止瀋之劑。恐積滯瘀血在內。反能爲害也。惟久病虛脫者。不在所忌。

麝香味辛溫無毒。主辟惡氣。殺鬼精物。溫瘧。蠱毒。癰瘰。去三蟲。療諸凶邪鬼氣中惡。心腹暴痛。

五
脹急痞滿。風毒婦人難產。墮胎去面黧。音孕日中

膚翳。久服除邪。不夢寤魘寐。通神仙。忌大蒜
要火

疏○陶弘景云。麝常食栢葉。又噉蛇。予以爲其香必非因噉蛇而結。蘇頌乃云。夏月食蛇多至寒。則香滿入春臍內。急痛自以爪剔出。陶云。五月得香。往往有蛇皮骨。豈有食蛇逾一年。而皮骨尚不化者乎。不知麝乃山獸。好食香木芳草。如栢葉之類。故其氣聚於臍。而

結成是香。或遇蛇亦噉。但不結香耳。如必噉蛇多而後有香。則此藥必大毒難近之物。安得味辛氣溫無毒耶。甄權言苦辛。其香芳烈。爲通關利竅之上藥。凡邪氣着人。淹伏不起。則關竅閉塞。辛香走竅。自內達外。則毫毛骨節俱開。邪從此而出。故主辟惡氣。殺鬼精物。凶邪蠱毒。溫瘧中惡。心腹暴痛。脹急。痞滿風毒諸證也。其主癰瘰者。借其氣以達於病所。

也。苦辛能殺蟲。故主去三蟲。辛溫主散。故能去面黧。及目中膚翳。性能開竅。故主難產墮胎也。走竄之性。而云久服除邪。不夢寤魘寐。通神仙者。凡香皆能辟除惡氣。而通神明。故有是功能也。日華子云。納子宮。煖水臟。止冷帶疾。藥性論主小兒驚癇客忤。蝕一切癰疽膿水。今人又用以治中風中氣中惡痰厥猝仆。兼人膏藥傳藥。皆取其通竅開經絡透肌膚。

骨之功耳

主治參互

同犀角、牛黃、琥珀、龍齒、遠志、丹砂、鉛丹、金箔、
菖蒲、真珠、茯神、天竺黃、治心氣虛怯、驚邪、癲
癇、或夢寐紛紜、鬼交、鬼疰、及小兒急驚、大人
中惡等證、同白及、白歛、紅白藥子、雄黃、烏
雞骨、煨乳香、沒藥、冰片爲末、傅一切癰疽、疔
腫、有神、濟生方、中風不省、麝香二錢研末

入清油二兩、和勻、灌之卽甦。又方食諸果
成積、傷脾作脹、氣急、用麝香一錢、生桂末一
兩、飯和丸、菉豆大、大人十五丸、小兒七丸、白
湯下、蓋果得麝卽落、木得桂卽枯、故也。夏
子益奇疾方、口內肉毬、根如線、五寸餘、如釵
股、吐出、乃能食物、捻之則痛、徹心者、麝香一
錢、研水服之、日三、自消。續千金方、催生易
產、麝香一錢、水研服。經驗方、鼠咬成瘡、麝

香封之妙并治蠱咬成瘡

簡誤

麝香走竅飛揚。內透骨竅臟腑。外徹皮肉及
筋。其性能射。故善穿透開散。東垣云。凡風病
在骨髓者。用之使風邪得出。若在肌肉。用之
反引風入骨。丹溪云。五臟之風。不可用麝香
以瀉衛氣。二公之言。誠得其旨矣。凡似中風
小兒慢脾風。與夫陰陽虛竭。發熱吐血。盜汗

自汗。氣虛眩暈。氣虛痰熱。血虛痿弱。血虛目
翳。心虛驚悸。肝虛癰瘰。產后血暈。胎前氣厥。
諸證之屬於虛者。法當補益。槩勿施用。卽如
不得已欲借其開通。竅於一時。亦宜少少
用之。勿令過劑。甦省開通之後。不可復用矣。
孕婦不宜佩帶。勞怯人亦忌之。李廷飛云。不
可近鼻。有白蟲入腦。患癩。久帶。其香透關。令
人成異疾。